

LAN-ESKAINZA ATARIAN: IKUSKATZAILE MEDIKOA (BILBAO)

ESKAERAK AURKEZTEKO EPEA: OTSAILAREN 25ETIK MARTXOAREN 4RA

LANPOSTUAREN DATUAK

Kodea: 511240/31

Deskribapena: Ikuskatzaile Medikoa

*Bitarteko funtzionario izendapena lanpostua bete arte. **Proba bat gainditu behar da.***

Urteko ordainsari gordina: 52.846,78€

Saila: OSASUNA

Herria: BILBAO

Kontratuaren hasiera data: Berehala

Aurrikusitako iraupena: Luzea

Funtzioak:

Osasun-aseguramenduaren eta -kontratazioaren arloan jarduerak gainbegiratzea eta laguntza-programak eta -aginduak kudeatzea; osasun-zerbitzuak ikuskatzea, bai eta osasun-zerbitzuen emaitzak ebaluatzea eta balorazio-txostenak egitea ere. Gainera, azterketa medikoetara joan beharko du.

PARTE HARTZEKO BALDINTZAK

(Parte hartzeko baldintza orokorrak)

Lanpostu horiek proba gainditzea eskatzen dute.

Titulu akademikoak: LIZENTZIATURA EDO GRADOA MEDIKUNTZAN

Euskararen ezagutza-maila: **3. HE (C1)**

ESKAERAK AURKEZTEA

1. Interesdunek Internet bidez bete beharko dute eskabidea. Horretarako, helbide elektroniko honetan eskuragarri dagoen eredia bete beharko dute: <https://www.ivap.euskadi.eus/enplegu-ivap/>
2. Eskabidea aurkezteko, beharrezkoa izango da nortasuna ziurtagiri digitalaren bidez egiaztatzea. Esteka honetan adierazten da nola eskuratu ziurtagiri digitala: <https://www.euskadi.eus/identifikazio-elektronikorako-onartutako-bitartekoak/web01-sede/eu/>
3. Eskabidearekin batera, **alegatutako merezimenduak egiaztatzen dituzten agirien kopia soila aurkeztu beharko da. Lan-esperientziaren kasuan, lan-bizitzaren ziurtagiriaren eta kontratuen kopia.** Alegatutako baldintzek eta merezimenduek beteta egon beharko dute eskabideak aurkezteko epea amaitu baino lehen.



PROZESUAREN BALORAZIOA

(Gehieneko puntuazioa: 14 puntu)

I. Fasea

Eskatzaileek proba bat gainditu beharko dute. Probaren gehieneko balorazioa 8 puntu izango da. Eranskinean probaren gai-zerrendaren eta ezaugarrien berri ematen da.

II. Fasea

Proba gainditzeko dutenei honako hau baloratuko zaie:

1. Azken 5 urteetan eskaintako lanpostuaren antzeko eginkizunetan izandako esperientzia baloratuko zaie, gehienez ere 4 puntu, 0,067 puntu lan egindako hilabete bakoitzeko.
2. Master, diplomak eta Unibertsitateetako titulu propioak, gorputzeko kaltearen balorazioarekin zerikusi zuzena badute: gehienez 2 puntu.

PROZESUAREN GARAPENA

1. IVAPeko zuzendariak balorazio-batzorde bat izendatuko du. Batzorde horrek hiru kide izango ditu, eta proba eta merezimenduak baloratuko ditu, planteatutako zalantzak eta erreklamazioak ebatziko ditu, hautaketa-prozesua behar bezala bideratzeko behar diren erabakiak hartuko ditu eta hautatutako pertsonak proposatuko ditu.

2. Eskabideak aurkezteko epea amaitutakoan, balorazio-batzordeak argitaratuko du hautaketa-prozesuan onartutakoen eta baztertutakoen zerrenda, baztertzeko arrazoiak adierazita, hala badagokio.

3. Prozesuan onartutakoei proba egiteko deia egingo zaie.

4. Proba egin eta gero, balorazio batzordeak honako hauek argitaratuko ditu:

- a) Probaren emaitza.
- b) Merezimenduen balorazioa.
- c) Prozesuaren emaitza.

5. Berdinketa hausteko irizpideak. Berdinketa gertatuz gero, honako irizpide hauek erabiliko dira:

- a) Proban emaitza hobea dutenen alde.
- b) Baloratutako esperientzia gehien dutenen alde.
- c) Tituluetan puntuazio altuena dutenen alde.
- d) Hezkuntza Sailaren urteko berdinketa hausteko letra, hautaketa-prozesuetarako.

[Datu pertsonalen babesari buruzko informazioa](#)

ESLEIPENA ETA ADMINISTRAZIOAN LANEAN HASI

Prozesu horretan parte hartzeak ez du parte-hartzaileen aldeko inolako eskubide edo igurikimenik sortuko. Administrazio honetan zerbitzuak ematen hasten diren hautatutako langileak **ez dira** dagokion poltsan sartuko, eta ezingo dute mugikortasun-prozesuetan parte hartu. Era berean, prozesuaren emaitza ezaugarri bereko eskaintzetarako langileak hautatu behar direnean erabili ahal izango da, gehienez ere sei hilabeteko epean, eskaintza esleitzen denetik zenbatzen hasita.

PARTE HARTZEKO BALDINTZA OROKORRAK

1. Hautaketa-prozesuan parte hartu ahal izateko, betekizun espezifikoez gain, honako baldintza hauek bete beharko dira:

- a) 16 urte beteta izatea eta erretiroa hartzeko legezko adina ez gainditzea.
- b) Europar Batasuneko estaturen bateko nazionalitatea izatea, edo Europar Batasunak izenpetu eta Espainiako estatuak berretsitako nazioarteko itunen arabera langileen zirkulazio askea aplikatu behar zaion estaturen bateko nazionalitatea izatea.

Europar Batasuneko estatu kideetako herritarren ezkontideek ere parte hartu ahal izango dute, zuzenbidez bananduta ez badaude, bai eta haien ondorengoek eta ezkontideen ondorengoek ere, baldin eta bi ezkontideak zuzenbidez bananduta ez badaude, hogeita bat (21) urtetik beherako ondorengoak izan edo adin horretatik gorakoak izan, haien kontura bizi badira.

c) Eman beharreko zerbitzuak normaltasunez egitea eragozten duen gaixotasun edo akats fisikorik ez izatea, lanpostua desgaitasunen bat duten pertsonen behar zehatzen arabera egokitzeko har daitezkeen neurriei kalterik gabe.

d) Diziplina-espediente bidez edozein administrazio publikotako edo autonomia-erkidegoetako konstituzio- edo estatutu-organotako zerbitzutik banandua edo kaleratua ez izatea, eta ebazpen judizial bidez enplegu edo kargu publikoetarako desgaitasun absolutu edo berezirik ez izatea, funtzionarioen kidegoan edo eskalan sartzeko, edo lan-kontratuko langileen kasuan betetzen zituzten funtzioen antzekoak betetzeko, baldin eta banandua edo desgaitua izan bada. Beste estatu bateko herritarra izanez gero, desgaituta edo egoera baliokidean ez egotea, eta bere estatuan, baldintza berberetan, enplegu publikorako sarbidea eragozten duen diziplina-zehapenik edo zehapen baliokiderik ez izatea.

e) Ezintasuneko edo bateraezintasuneko legezko kausaren batean sartuta ez egotea.

2. IVAPek egiaztatuko du parte-hartzaileek eskabidean betekizun gisa alegatutako titulazio akademikoa. Hala ere, pertsona horiek eskatutako betekizunak eta alegatutako merezimenduak egiaztatzen dituzten jatorrizko agiriak aurkeztu beharko dituzte, hala eskatzen zaienean.

Halaber, IVAPek euskararen ezagutza egiaztatuko du Euskara Tituluen eta Ziurtagirien Erregistro Bateratuan. Erregistroan titulurik ez duten pertsonak eskabidean alegatu beharko dute, eta tituluaren kopia eskaneatua aurkeztu.

Datu Pertsonalak Babesteari eta eskubide digitalak bermatzeari buruzko abenduaren 5eko 3/2018 Lege Organikoaren zortzigarren xedapen gehigarrian ezarritakoa aplikatuz egingo da egiaztapena.

3. Eskabideak aurkezteko epea amaitzen denean bete beharko dira aurreko baldintza guztiak. Baldintza horiek prozesu osoan bete beharko dira.

DATU PERTSONALEN BABESARI BURUZKO OINARRIZKO INFORMAZIOA

Europako Parlamentuaren eta Kontseiluaren 2016ko apirilaren 27ko 2016/679 (EB) Erregelamendua, datu pertsonalen tratamenduari eta datu horien zirkulazio askeari dagokienez pertsona fisikoen babesari buruzkoa (Datuak Babesteko Erregelamendu Orokorra), eta datuen babesaren arloan indarrean dagoen gainerako araudia betez, jakinarazten da datu pertsonalak "hautaketa-prozesuen kudeaketa" izeneko tratamendu-jardueran sartuko direla.

Tratamenduaren arduraduna: Herri Arduralaritzaren Euskal Erakundeko Zuzendaritza Nagusia.

Tratamenduaren helburua eta aurreikusitako erabilerak: Euskadiko Autonomia Erkidegoko Administrazio Orokorrean aldi baterako zerbitzuak emateko langileak hautatzeko edo toki-erakundeetan gaikuntza nazionala duten toki-administrazioen funtzionarioen beharrak aldi baterako betetzeko prozesuen kudeaketa eta jarraipena egitea, bai eta parte-hartzaileei prozesu horien garapenaren berri ematea ere. Zehazki, parte hartzeko eskaeren kudeaketa, minusbalotasunagatik arrazoitutako probak egiteko egokitzapen-eskaeren kudeaketa, onartutakoen eta baztertutakoen zerrendak argitaratzea, proben kalifikazioa eta merezimenduen balorazioa, prozesuekin lotutako erreklamazioen eta errekurtsioen kudeaketa, eskatzaileek prozesuan zehar aurkeztutako dokumentazioaren kudeaketa, probetara bertaratzearen kontrola, ziurtagiriak ematea, prozesuei buruzko datu historikoak kontsultatzea, azterlanak eta estatistikak egitea.

Legitimazioa: tratamendua beharrezkoa da 16/1983 Legearen 4. artikulua Herri Arduralaritzaren Euskal Erakundeari esleitzen dizkion helburuak betetzeko.

Informazioaren hartzaileak: datuak Eusko Jaurlaritzako Funtzio Publikoko Zuzendaritzari lagatzea aurreikusten da, dagozkion lan-poltsak kudeatzeko. Euskadiko Autonomia Erkidegoko beste administrazio batzuei ere lagatzea aurreikusten da, lan-poltsa propiorik ez dutenean. Kasu horretan, interesdunek berriazko baimena eman beharko diote lagapenari, hori egin ahal izateko.

Eskubideak: datuak eskuratu, zuzendu eta ezabatzeko eskubidea, bai eta informazio gehigarrian azaltzen diren beste eskubide batzuk ere.

Informazio gehigarria: datuen babesari buruzko informazio gehigarri eta zehatza webgunean kontsulta dezakezu.

<https://www.ivap.euskadi.eus/hautaketa-prozesuen-kudeaketa/z16-h2home/eu/>

ERANSKINA: EZAGUTZA-PROBA